

## Wien, Österreichische Nationalbibliothek (ÖNB), Cod. 4434

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

857

## P A T R I S T I C I

858

συμβολην ad Chorographiam Sec. XIII. adscribam: *Vntlinge. Miti-chursspringen. Nevheim. Hevelde. Heft. Tanting. Altheim. Simil-sperec. Tipating. Waganheim. Ste-phingen. Awarn. Schachen. Tan-perc. Elphawer. Mundtving. Eichinlob. Wising. Mesendorf. Mol-beim. Rabinswanc. Hohenrevt. Steindorf. Frosheim. Gralingen. Hettperc. Prunnadir. Zigiheige. Tetting. Chalbab. Witintal. Tan-cholfig. Megilpab. Hymiltal. Spreide. Hermoving. Fluoter. Vor-bach. Tanheim. Chogil. Michilperge. Horbvc. Gunzswant. Speche. Rabswant.*

*Fol. 149.* succedunt Homiletica quaedam in diversa Evangelia de promta e Bedae cum Homiliis, tum Expositionibus, ut leguntur T. V. et VII. edit. supracit. non tamen fine interpolatione. Claudit agmen Lectionarium in Nativitate Sancte Dei Genitricis Mariae, quod censet Lectiones VIII. et incipit: *Adprobate consuetudinis est apud christianos sanctorum patrum dies natalitios obseruare diligenter.* &c. neque sapit Autorem de antiquioribus. Ad calcem rursum adscripta sunt quaedam de Coenobii possessionibus in *Mallinge, Her-lavperge, pahchein, Vreiling, che-vinge, Schapvoon, Huntfeim* &c.

## CCCLXXXIV.

R. 3<sup>12</sup> Codex membraneus lat. Sec. XIII. Folior. 127. f. min. eleganter exaratus, coloribus distinctus, et singulari forma literarum initia- lium e picturatis fasciolis diversi-

mode plicatis et volutis visendus complectitur S. Gregorii M. Pont. Homilias XL. in Evangelia. Et quidem: *Incipit epistola Sancti Gregorij pape ad Secundinum tauromi-ni tanum episcopum. Reverentissimo &c. Inter missarum sollempnia &c. ut edit. Maur. Paris. 1705.* T. I. col. 1435. f. legitur tamen hic: *sed eandem dubietatem post-modum certa enuntiatione correxi,* atque ita Gregorium scripsisse pu-to pro dubitationem et enodatione vel notatione. Epistolam excipit Elenchus Homiliarii, quod dein indistinctum in Libros II. decurrit praemissa cuvis Homiliae Evangelii sui parte. Textus satis adcu-rate cum Editis conspirat. Historiae Chrysaurii, sive Chrysaurii, quod ego nomen e Χρυσώς et Au-rum confictum crederem, nisi Gregorius addidisset: *quem lingua ru-stica populus Chryserium vocabat,* Hom. XII. nobis fol. 24. propria Rubrica gaudet. Ob iter noto, insigne istud magni Pontificis Opus omissum esse ab Hambergero in Zuverl. Nachr. von den vornehmst. Schriftst. P. III. p. 462.

## CCCLXXXV.

Codex chartaceus lat. Sec. XIV. u. 182 Folior. 252. f. per duas colum-nas exaratus, rubricis distinctus, et olim datus pro libraria collegiate domus ducalis a Nicolao kyenast de wienna capellano ad Sanctum Hieronymum continet sequentia: I. *Incipit prefatio beati Gregorij pape ad Secundinum Episcopum su-per quadraginta Omelias.* Ita qui-dem:

## Wien, Österreichische Nationalbibliothek (ÖNB), Cod. 4434

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

859

## C O D I C E S

860

dem: *Reuerendissimo* &c. *Inter sacra missarum sollempnia ex hijs que diebus certis* &c. Sequitur *Elenchus Homiliarum*, et ipsae, non tamen in libros II. divisiæ. Initium primæ Dom. 2. Adv. habitæ ad Populum in Basilica beati Petri est: *Dominus ac redemptor noster fratres karissimi paratos nos invenerire desiderans* &c. Finis ultimæ habitæ in sancti Laurentii Bafiliaca: *per se in vestris mentibus loquatur. Qui viuit* &c. Adscripta sunt XII. illa *Abusiva Seculi* hic *Gregorio*, alias *Augustino*, ut nobis Vol. I. P. 1. col. 720. item *Cypriano*, ut col. 584. et 829. tributa. Post quæ: *Explicitum quadraginta Omelie Gregorij Pape Sandissimi per Seyfridum Schonpeckb Anno (13)92. in die Vigilij Episcopi Martirisque glorioſi*. Extant edit. Maur. Paris. 1705. T. I. col. 1434. f. Exemplar nostrum sat castigatum est.

II. fol. 86. sequitur *Liber regule pastoralis beati Gregorij papæ scriptus ad Johannem Episcopum*. Decurrit indivisus in *Partes*, praecedente *Capitum XXIII*. Syllobo ita, ut *Capita XXII. Partem I. et II. efficiant*, *Pars vero III. five Caput XXIII. Quanta debeat esse diuersitas in arte predicationis; in XXXVI. Modos tribuatur; a verbis autem: Hec sunt quæ presul animarum* &c. quæ in Edit. cit. *Caput XXXVI. auspicantur*, nullæ jam usque ad finem Rubricæ compareant. Ceterum Opus integrum est, et incipit: *Pastoralis cure me pondera fugere* &c. ut Edit. cit. T. II. col. 1. Ad calcem

iterum: *Explicit — Anno 92. feria 3<sup>a</sup> ante Esto michi per Syfridum Schonpeckb.*

III. fol. 128. p. 2. Discutiuntur e *Genesi* et I. *Reg. Quæstiones Biblicæ de Pythonissa Saulis*, de Interpretatione Somniorum *Joseph* in *Aegypto*, de Juramento *Saulis*, de Spiritu ejus malo, de Duello *Davidis cum Golia*, et de *Autoxœgæ Saulis*.

IV. fol. 134. *Incipit compendium Super evangelia*. Praemittuntur tamen scitu necessaria de Deo, Angelis, primo Homine, Arbore mala, Paradiso, Diluvio, Aetatis, conditione Hominis, et Prophetis. Ad Christi nativitatem adferuntur etiam apocrypha illa de *Circulo solari*, de *Fonte olei*, de *Terre motu*. Ultima sunt de Resurrectione Mortuorum. Admonet *Ἐγχειρίδιον* istud noti *Speculi humanae Salvationis*. Ejus initium est: *In principio principium sine principio et finis sine fine*, deus cum quo viget filius ex corde proprio genitus ante secula &c. Ad calcem: *Explicit in die felicis et aduenti Martirum glorioſorum. Anno (13) LXXXI°*. Adjectae sunt Aerae ab origine mundi, atque inter eas: *Item ab origine mundi usque dum primus homo qui vocabatur abraham venit ad austriam 2948. anni 9. mens. 12. die mensis Junij. Item a diluvio usque ad ipsius primi hominis aduentum ad austriam 690. anni. &c.* Quæ fabulosa, deinceps a Scriptoribus propagata, ut discuti non merentur, ita Codicem in *Austria scriptum* indicant.

V.

## Wien, Österreichische Nationalbibliothek (ÖNB), Cod. 4434

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

861

## P A T R I S T I C I .

862

V. fol. 140. p. 2. *Incipit Prefacio in libris Anselmi cantuariensis. Episcopi Cur deus homo. Ita: Opus subditum quod propter quosdam qui antequam (perfectum) et exquisitum esset &c. Rogat Anselmus sub finem, ut Transcriptores semper Capitula praefigant utriusque Libri. Paruit Noster. Verum post illa, tanquam Deus ex machina, comparet Prologus Anselmi De incarnatione verbi, et eo abso-luto demum inchoat Liber I. Cur Deus Homo hoc tenore: Sepe et studiose a multis rogatus sum &c. Quod quomodo acciderit, non dispicio. Prologus iste legitur Edit. Paris. 1721. p. 41. f. nostrum vero Opus, quod in Codice integrum et satis sincerum est, p. 74. Ad calcem iterum jacet: Explicit Anno 91. in die Nicomedis.*

VI. fol. 161. p. 2. *De diuinis nominibus. Disquirit Theologus de vario significatu &c. Deus, Deitas, Divinitas, divina Natura, divina Substantia, divina Essentia, substantia vel natura Patris, substantia uel natura Filii, de Trinitate et Generatione in Divinis. Init: Hoc nomen deus quinque (modis?) accipitur pro tota trinitate ut creavit deus celum et terram &c.*

VII. fol. 163. *Incipit exposicio Canonis. Puta Missae. Lectio, ut videtur, scholastica hujus ingressus: In nomine domini — In decretis de consecratione distinctione 2<sup>a</sup> art. 2<sup>o</sup>. Alexander 5<sup>us</sup> a petro. Nihil in sacrificiis maius esse potest &c. De tribus pertractat: 1<sup>o</sup> de causis et dispositionibus ce-*

*lebracionem misse precedentibus. 2<sup>o</sup> de sollempnitate misse. et de mysterijs in eius celebrazione concurrentibus. 3<sup>o</sup> de nominibus huic officio conuenientibus. Definit in Historiam Sacerdotis Parisini, quem Daemon magnum furem dixit, quod post Missam omitteret semper Orationem illam: Placeat tibi sancta trinitas &c.*

VIII. fol. 179. *Συλλογη Sermonum de Festis Domini, B. V. Mariae et variorum Sanctorum, item de ultimis Temporibus, de novo Sacerdote, et de Fidelibus defunctis, nullo certo ordine, neque auctore, nisi, quod fol. 231. p. 2. habetur Sermo Magistri Thome de Confessione, et fol. 236. Sermo magistri baltheri theologie de passione domini.*

## CCCLXXXVI.

Codex chartaceus lat. Sec. XV. U. 255  
Folior. 113. f. per duas columnas probe exaratus, rubricis distinctus, et, ut in fronte notatur, a M. Nicolao de Dincelspuchel datus ad Librariam Collegij ducalis Homiliarium est Gregorii M. in Evangelia, praemissa primum ad Secundinum, quem Codex non Episcopum, sed Coepiscopum vocat, Epistola, dein XL. Evangeliorum, in quae totidem habitae sunt Homiliae, Initiis, ad quorum calcem minio: Gregorij Pape urbis rome numero XL. explicunt capitula, et continuo: Omelie de diuersis lectionibus evangelij. Hae porro decurrent, ut in edit. Maur. Paris. T. I. 1705. col. 1436. f. nisi